

## Der. III. Tractat von Eelüten

erbfällen/ testamenten/ bewarung vnd insagung  
der güter zc. hat zehen Tittel.

### Der. I. Tittel des. III. tractats

von Vögten.

### Wilsaltig bedütung der

vögten ist vßgeschlossin.



### Jewol war sin mocht

das in den geschribnen rechten/ die vögt in er  
we vil vnderfcheyd gesetzt sin möchten/ ouch  
sunst mit angelegnem flyß von disen vogty  
empfehen meldung geschicht. Nachdem vns  
aber des in vnser Statt nit sonder not ist/ ouch  
villicht verwirrig dem leyschen man prächte  
wöllen wir vns des alles nit wyter beladen/  
dā sovil diß nachgende vnser sartzung vßwisen

### Dise nachgende personen sind

schuldig das sy vnder vogten vnd pflegern leben/ vnd mö  
gen sich des nit widern/ dan wie hernach gesetzt ist. Vnd  
erstlich knaben vnd töchtern vnder fünff vnd  
zwenzig iaren sollen vögt haben.

¶ Knaben vnd töchtern die dheim vatter/ vnd noch nit fünff vnd zwen  
zig iar in irem alter haben/ die sind schuldig/ das sy durch fürmünder vñ  
pfleger geregert werden/ Es wer dan das ein iüngling so geschickt/ gü  
ter vernüßft/ vnd eins ersamen wesens wer/ das man im verwaltig sins  
güts vetterwen möcht/ der ist nit schuldig/ vnder vögten oder pflegern  
zu sin/ er begere dan des eigens willens.

### So knaben vnd tochter in die

klöster oder ee versehen werden/ hort die vogty vßf.

¶ Desiglychen/ ob knaben oder töchtern zu Gott oder der welt/ in klöster  
oder eelich stend vnder fünff vnd zwenzig iarn versehen werden/ so hört  
die vogty ouch vßf/ Es befünd sich dan/ das dem knabē der in der welt  
ist/ hushaltung vnd verwaltig sins güts noch nit zu vetterwen wer/